

**ԱՄԵՆԱՅՆ ՀԱՅՈՑ ՓԱՐԵԳԻՆ Ա ԿԱԹՈՂԻԿՈՍԻ
 ԵՆՈՐՀՎՈՐԱՆՔՆԵՐԸ ՆՈՐԸՆՏԻՐ ԱԶԳԱՅԻՆ ԺՈՂՈՎԻ ՆԱԽԱԳԱՀ
 ԿԱՐԵՆ ԳԵՄԻՐՃՅԱՆԻՆ ԵՎ ՎԱՐՉԱՊԵՏ ՎԱԶԳԵՆ ՍԱՐԳՍՅԱՆԻՆ**

Ն.Ա.Օ.Տ.Տ. Գարեգին Ա Ամենայն Չայոց Կաթողիկոսը շնորհավորական հետևելյալ ուղերձն է հղել Չայաստանի Հանրապետության նորընտիր Ազգային ժողովի նախագահ Կարեն Դեմիրճյանին:

«Մեծարգո Նախագահ,

Սրտի խոր գոհունակությամբ, անձնապես եւ հանուն Ամենայն Չայոց Կաթողիկոսության, մեր ողջ հայ ժողովրդի հոգեւոր կենտրոնից՝ Մայր Աթոռ Սբ. Էջմիածնից ողջունում եւ շնորհավորում ենք Ձեր ընտրությունը՝ որպես նախագահ Չայաստանի Հանրապետության նորընտիր Ազգային ժողովի:

Աղոթում ենք առ ամենակարողն Աստված, որ Ձեզի շնորհի քաջատողջություն, անսահման իմաստություն եւ աննկուն կորով: Վստահ ենք, որ Ձեր աստվածատուր կարողությունները եւ տարիների փորձը կօգնեն Ձեզ փառավորապես ի գլուխ հանելու Ձեզի վստահված պարտավորությունները հայրենի օրինաստեղծ Ազգային ժողովում:

Բյուր օրհնություն մեր քրիստոնեական հավատքի օջախից՝ Սբ. Էջմիածնից:

Չայրական սիրով եւ Չայրապետական օրհնությամբ՝

**ՓԱՐԵԳԻՆ Ա
 ԿԱԹՈՂԻԿՈՍՄ ԱՄԵՆԱՅՆ ՀԱՅՈՑ**

Մեկ այլ նամակով Վեհափառ Չայրապետը շնորհավորել է Չայաստանի նոր նշանակված վարչապետ Վազգեն Սարգսյանին: Նամակում մասնավորապես ասվում է.

«Մեծարգո Վարչապետ,

Սրտի խոր գոհունակությամբ եւ անհուն ուրախությամբ իմացանք Ձեր նշանակումը՝ որպես Վարչապետ Չայաստանի Հանրապետության:

Այսու Չայրապետական գրով, անձնապես եւ հանուն Ամենայն Չայոց Կաթողիկոսության, Մայր Աթոռի միաբանության եւ Գերագույն Հոգեւոր Խորհրդի, քերմորեն շնորհավորում ենք Ձեզ այս նոր բարձրորեն պատասխանատու պաշտոնին կոչվելու առիթով:

Վստահ ենք, որ Ձեր իմաստությամբ, արիությամբ եւ նվիրվածությամբ կանեք գերագույն կարելին Չայաստանի պետականության ամրապնդման եւ բարգավաճման համար՝ հանուն մեր սիրեցյալ ժողովրդի ապահով եւ բարօր կյանքի: Չայաստանյայց Առաքելական Մայր Եկեղեցին ինչպես միշտ զորավիգ կլինի հայրենի կառավարության ազգ եւ երկիր շենացնող ձեռնարկումներին:

Չայրական սիրով եւ Չայրապետական օրհնությամբ՝

**ՓԱՐԵԳԻՆ Ա
 ԿԱԹՈՂԻԿՈՍ ԱՄԵՆԱՅՆ ՀԱՅՈՑ**